

Karangan Naratif 9

Selesaikan cerita berikut:

Apa yang aku dengar pagi tadi masih lagi terngiang-ngiang di telinga. Aku tidak sangka ibu tergamak menyembunyikan hal ini daripada aku . . .

Introduction

- Conflict
- Short Dialogue
- Suspense Elements

Apa yang aku dengar pagi tadi masih lagi terngiang-ngiang di telinga. Aku tidak sangka ibu tergamak menyembunyikan hal ini daripada aku. Namun, aku tidak menyalahkannya. Bagiku dia sebenarnya adalah mangsa. Mangsa yang telah melalui banyak pengorbanan demi untuk keluarga.

“Engkau rupanya anak Roslan! Dasar lelaki tidak berguna! Lebih baik dia mati daripada merosakkan anak orang lain!”

“Kenapa mak cik kata begitu? Siapa sebenarnya mak cik?”

“Siapakah aku? [PERSON] Itulah ibu engkau! Dia tidak pernah membawa engkau adik-beradik jengok kami semua lagi. Mungkin dia tidak mahu engkau tahu apa yang telah berlaku. Patut pun. Engkau pasti malu. Kami semua malu dengan perbuatan ayah engkau yang lebih teruk daripada binatang! [INCIDENT]”

“Ayah saya tidak seperti yang mak cik sangkakan! Dia baik orangnya!”

“Baik? Engkau tahu di mana ayah engkau berada sekarang?”

“Ya, dia di luar negara bekerja.”

“Bekerja? Sekian lama dia bekerja dan tidak pernah menjengok engkau sekeluarga walaupun untuk sesaat? Beritahu aku. Bilakah kali terakhir engkau lihat batang hidungnya? Bila?”

“Hampir tujuh tahun . . .”

“Tidakkah engkau terfikir kenapa sekian lama dia tidak pulang? Kalau engkau hendak tahu kenapa si binatang itu tidak pulang, cuba engkau bongkar bilik ibu engkau. Siapa tahu, kalau nasib engkau baik, dapat engkau jumpa sesuatu yang dapat menjelaskan perkara yang sebenar. [OBJECT] Ayah engkau itu tidak bekerja di luar negara. Dia sebenarnya . . .”

Mulut wanita setengah abad itu seperti terkunci. Matanya tertarik ke arah belakangku. Aku menoleh ke belakang dan mendapati kelibat ibuku yang sedang berada beberapa blok daripadaku. Dia sedang bergegas menuju ke arahku sambil melambaikan tangannya. Aku menoleh kembali ke arah wanita separuh abad di hadapanku. Dia tiada. Rupa-rupanya, dia sudah bergegas pergi meninggalkanku.